

# San Pablo Timoteo'te jo'e chũ'o tocha saosi'ea'me

---

## Chũ'o saosi'ea'me

**1** <sup>1</sup> Chũ'u, Pablo, Diopi chiiuna maire Jesucristo'te cuasanare Repau, “Chũ'una'me si'arumu pa'iche'te ijsija'mu chũ'u”, chiis'ere chũ'vakũ paau chini Jesucristo saosi'kũpi ija'ova utija'ova tocha saomu <sup>2</sup> mũ'ũre, Timoteo'te, chũ'u chiiũja'ũjekũna chũ'u cuasaku'te. Mai Ja'ku Diona'me Maire Paaku Jesucristo oiũ ruũ re'oja'che pa'iche'te cho'okaau mũ'ũre re'oja'che paau chini.

## Dios chũ'o chũ'vache'te chũ'ũmu

<sup>3</sup> Chũ'u aipũi cho'okaisi'ejache cu'ache cho'omau sũma'ku pa'imau, Diore cho'okaikũ'mũ chũ'u. Umucujũana'me ñami Repau ni mũ'ũni si'arũmu sũekaiũ, “Re'orepau, Ja'ku”, chiiũ pa'imũ chũ'u Repau'te. <sup>4</sup> Mũ'u chũ'u jo'ka rairũmu oisi'ere cuasaku mũ'ũna'me pa'ũ pojora chini ña-neemu chũ'u mũ'ũre. <sup>5</sup> Ũcuachi'a mũ'u Diore masirepa cuasaku pa'iche cuasamu chũ'u. Mũcu'eo Loidana'me mũja'ko Eunice charo Repau'te cuasaju jovosinaa'me. Chura mũ'u ũcuachi'a repa cuasacheja'che cuasamu Repau'te.

<sup>6</sup> Jã'ajekũna chũ'u mũ'ũre jũjũnari jarũmu mũ'ũpi cho'omasia'ku chini Dios mũ'ũre jo'kasi'ere cho'oku che'che na'a ruũ cho'oku pa'ijũ'u, chiimu chũ'u mũ'ũre. <sup>7</sup> Dios maire vajũchũrekoũõ paaajũ chini jo'kama'mũ. Mai pi rũhiũne cuasa masiju cu'ache cho'oma'ũne re'oja'che pa'ijũ chekũnani ña oijũ re'oja'che cho'okaiju paaru chini cho'okaimũ Dios maire. <sup>8</sup> Jã'ajekũna Maire Paaku pa'iche chekũnare chũ'vavajũchũma'ũne chũ'vajũ'u. Ũcuachi'a chũ'u Repau chũ'o chũ'vakũjekũ pã chũ'vavũe cuaocojũna pa'iche'te cuasaku vajũchũma'ũne cu'ache ti'jũnecojũnokũta'ni Diopi cho'okaiũna Jesucristo'te cuasache kũachũ'ore chũ'ũna'me pojoku chũ'vakũ pa'ijũ'u. <sup>9</sup> Repau Dios maire vati toa sani uuche ũseku chũ paaku'mũ, mai pi Repau neena pa'ijũ re'oja'che paaru chini. Mai re'oja'che cho'osi'e-

jekuna chēasi'emamasomū jā'a. Rupū Repau'te uache cho'osi'easomū jā'a. Maire oiū jā'aja'ñe cho'okani chēa paajache chuta'a cheja peorūmūna cuasa Jesucristoni rao cho'okasa chiniasomū Dios. <sup>10</sup>Chura mai cu'are jūni ro'ikaau chini Ūcuauñi rao Repau maire oiū cho'okasa chiisi'e kua-cuhasi'kua'mū Repau. Jesucristo'te cuasache kuachū'o asa chēasinajejū ie masime mai chura: Jesucristo cho'okaisi'ejekūna mai jūnisosirūmū cu'anareta'ni toa saima'ñe Repau pa'ichejana ai sani Ūcuauña'me re'oja'che pa'ire'oche.

<sup>11</sup>Dios chū'ure jā'are kuakū paau chini chū'ū' jo'kasi'kua'mū, Jesucristo saosi'kū pa'iū Repau chū'ore ku'ū che'chokū paau chini. <sup>12</sup>Chura repachū'o che'chokūjekū cu'ache cho'ocojñokū pāi chēavū'ere cuaorena pa'imū chū'ū. Jā'ata'ni chū'ū Repau Jesucristo kuiramasikū re'oja'che pa'iche masikūjekū vajuchūma'mū. Repau jo'e rairūmūjatū'ka Ūcuauñi masi kuirakūna re'oja'che pa'ija'mū chū'ū.

<sup>13</sup>Chū'ū mū'ure che'chos'i'ere Dios chū'o ūcuarepare che'chokū pa'ijū'ū repacheja pa'inare. Ūcuachi'a Jesucristoni masirepa cuasakū chekūnare pāi oiū re'oja'che cho'okaiū pa'ijū'ū. <sup>14</sup>Dios Rekocho mai rekoñoā ja'me Pa'irekochoji cho'okaiūna Repau mū'ure chū'vaa'kū chini chū'ū jo'kasi'ere Repau chū'ore masi chū'vaku pa'ijū'ū.

<sup>15</sup>Asia cheja cana ūcuauñko Figelona'me Hermógenejatū'ka chū'ure cho'okaicuhejū jo'kasosi'e masimū mū'ū. <sup>16</sup>Jā'ata'ni Onesíforore chū'ure ruarepañoā chū'ū chiimajñaruā re'oja'che kuirasi'kūre Diopi oiū re'oja'che cho'okaaū, repau neenare ūcuachi'a. Icheja pa'irūmū chū'ure pāi chēavū'e pa'iku'teta'ni vajuchūma'ñe ja'me pa'isi'kua'mū repau. <sup>17</sup>Repau ijoopo Roma vū'ejoopo apeti'asirūmū vajuchūma'ñe chū'ure jñaañejatū'ka rua jeerūmū ku'esi'kua'mū repau. <sup>18</sup>Ūcuachi'a repau Efeso vū'ejoopo pa'irūmū repau chū'ure rua re'oja'che cho'okaisi'e peore masimū mū'ū. Maire Paakū Dios Repau pāi ūcuauñko cho'osi'e ro'iche chū'ūmucuse chū'ure re'oja'che cho'okaisi'e ro'i repau'te ña oiū rua re'oja'chere isia'kū.

### Sōtao re'okū cho'ocheja'che Jesucristo'te cho'oche cho'okaiche'te kuaamū

**2** <sup>1</sup>Mū'ū, Timoteo, chū'ū chīija'ū, Jesucristo mū'ure cho'okaiche re'oja'che cho'o koka paajū'ū. <sup>2</sup>Chū'ū mū'ūna'me chekūna jainūko asaju'te che'chos'i'e asa chēa ūcuarepa cho'okū chekūnare che'chomasi-nare che'chojū'ū, asa chēa che'chojū paaru.

<sup>3</sup>Sōtao re'okū pa'ivesache pa'itojē'e pojokū masi cho'okū pa'icheja'che pa'iū Jesucristoni cuasakūna mū'ure cu'ache ti'jñeñe cuhema'ñe ūcu po-jokū cho'oche cho'okaiū pa'ijū'ū Repau'te. <sup>4</sup>Sōtaopāi te'eujē'e repa-nare uache cho'oma'ñe pa'ijū repanare chū'ūna chū'ūñechi'a cho'ome repanapi poja'jū chini. <sup>5</sup>Vi'topū apena ūcuaja'che vi'to apeche chū'ūna

chũ'ũñe'te peore masi cho'omaneni cajejaima'me. <sup>6</sup>Pãiu cho'оче rúa cho'okũ repaũ chio ãu tãsi'kũ ãu kũirũmu ũcuauji charo tua ãimũ repa. <sup>7</sup>Peore jã'a chotemajña chu'ũ i'ka kuasi'e asa cuasakũ che'chekũ pa'ijũ'ũ. Jã'aja'ñe cho'oni Maire Paakũ Diopi cho'okaiũna asamasija'mũ mũ'ũ.

<sup>8</sup>Jesucristo pa'isi'ere cuasajũ'ũ. Aperũmu pa'iu pãi chũ'ũsi'kũ David jojocojñosi'kua'mũ Repaũ. Chuenisosi'kũta'ni Diopi vasouna jo'e vajũ-raisi'kua'mũ. ũcua kũache'te Repaũ Jesucristo'te cuasache kũachũ'ore chu'vakũ pa'ikũ'mũ chu'ũ. <sup>9</sup>Repachũ'o chu'vakũjekũ cu'ache cho'ocojñokũ pãi chẽavũ'ere pa'iu cu'ache cho'osi'kũre quẽo sũocheja'che cũnamepi quẽo sũocojñosi'kũ pa'imũ chu'ũ. Jã'ata'ni Dios chu'o chu'vacheta'ni ũsecu'amũ pãi. <sup>10</sup>Jã'ajekũna Repaũni cuasakũ rúa cu'ache cho'ocojñokũta'ni Repaũ chu'o ũcua masi chu'vakũ pa'imũ chu'ũ, Repaũ chẽa paajanapi asa chẽa Jesucristoni cuasajũ jovo ũcuauña'me si'arũmu re'oja'che paapũ chini. <sup>11</sup>Ie chu'o rúa ũcuarepaal'me:

Maipi Repaũni cuasajũ cu'ache cho'ocojñoni ũcuauña'me jũnisosi-naja'ñe pa'ijũ

Repaũna'me si'arũmu re'oja'che pa'ijanaa'me.

<sup>12</sup>Cu'ache ti'ljñecojñonata'ni maipi Repaũni ũcua cuasani

ũcuauña'me pa'ijũ pãire chũ'ũjanaa'me.

Jã'ata'ni maipi Repaũ'te cuasache'te kuavajũchũju,

“Repaũ'te cuasamanaa'me chũkũna”, chiito maire ũcuaja'che sãĩne,

“Chu'ũ neenama'me ina”, chiija'mũ Repaũ.

<sup>13</sup>Maire Repaũ chũ'ũñe masirepa re'oja'che cho'ojũ pa'imanareta'ni

ũcua re'oja'che cho'okũ pa'ikũ'mũ Repaũ,

ũcuarepa pa'iu ũcuarepa cho'ochechi'a masikũjekũ.

### **Diopi pojoa'kũ chini Repaũ chiiche masi cho'okaikũ pa'iche'te kuamũ**

<sup>14</sup>Ie chu'ũ chu'vachũ'o repacheja pa'inare si'arũmu chu'vakũ pa'ijũ'ũ, cavesũma'ñe cuasajũ paapũ. ũcuachi'a mai vesũche'te repaña sãĩnechi'a cutũju ke'reche Dios asakũ'te ũsejũ'ũ repañare. Jã'aja'ñe i'kachũ'o na'a re'oja'che pa'iche che'chochũ'oma'mũ. Jã'aja'ñe i'kache si'arũmu asana pãi rupũ cacu'asome. <sup>15</sup>Mũ'ure peore cho'ore'ochetũ'ka Dios chiiche'te cho'okũ pa'ijũ'ũ, ũcuauji mũ'ũni pojoa'kũ. Jã'aja'ñe cho'okũ pani Repaũ chu'o ũcuarepa vajũchũma'ñe chekũnare rũhiñe che'chomasija'mũ mũ'ũ. <sup>16</sup>Diore cuasamana peoche i'kachũ'o i'kama'ñe pa'ijũ'ũ. Jã'aja'ñe i'kana si'arũmu na'a rúa cu'ache cho'ojũ pa'inaa'me. <sup>17</sup>Repaña che'chochũ'o phũ'karavũ chachakũ saicheja'che cu'achejekũna repachũ'o asana cacu'asojũ pa'ime. Himeneona'me Fileto ũcuare peoche chũ'ore che'chojũ pa'ime. <sup>18</sup>Dios chu'o ũcuarepare cuhejũ chura tiĩñere jorechũ'ore che'chojũ pa'ime repaña, ija'che i'kajũ: “Pãi jũnisosina vajũraimananejanaa'me;

Jesure jovorũmũchi'a repana rekoñoã vasocojñoñe pa'imũ repanare", chiiju. Jã'aja'ñe i'kaju jorejũ che'choju pãi te'enare Jesure cuasanare cacũ'osoju pa'ime repana. <sup>19</sup>Jã'ata'ni Dios chũ'o ũcuarepajekũ ai pa'iche, ija'che kũamũ:

Maire Paakũ Dios Repaũ neerepanare masimũ.

Ũcuachi'a,

Repanare re'oja'che cho'okaau chini Repaũ'te sēenare ija'che i'ka-mũ Dios:

“Cu'ache cho'oche peore ũhasoche pa'imũ mũsanũkonare”, chiimũ. Jã'aja'ñe kũamũ Repaũ chũ'o tocha jo'kasi'e.

<sup>20</sup>Pãi pa'ivũ'e ũjavũ'e sa'navũ pa'imajñaruã pachokurina'me pokuri cho'osimajñaruãchi'a pa'ima'ñe chooko'ñana'me toto cho'osimajñaruã pa'imũ. Repa te'emajñaruã si'aumucujña cho'oche cho'ojũ paamajñaruãa'me. Cheke na'a re'ojamajñaruãta'ni cho'oche cho'omaumucujñachi'a pojojũ cho'ojũ paamajñaruãa'me. <sup>21</sup>Pãiu'te cu'ache cho'oche peore ũhasosi'kũre re'ojamajñaruãja'ñe pa'ikũjekũna Maire Paakũ Dios chiiche re'oja'che ũcuauache cho'ore'omũ.

<sup>22</sup>Jã'ajekũna pũsũpãi cu'ache cho'ouache cuasache'te jũvokũ cho'oma'ñe re'oja'che pa'iu Dioni masi cuasakũ cavama'ñe pa'iu, chekũnare oiu re'oja'che cho'okaiũ pa'ijũ'u, re'ojarekoñoã paaju Diore sēenana'me. <sup>23</sup>Mai vesũche'te cutujũ pãi sãiñechi'a ke'rechũ'o asakũ pa'imanejũ'u. Repachũ'o cutuna ruã cavaju pa'inaa'me. <sup>24</sup>Maire Paakũ'te cho'oche cho'okaikũ'te cavaneema'ñe pa'iu pãi ũcuauũkore re'oja'che ja'me pa'iche pa'imũ. Ũcuachi'a che'chomasikũ na'mi pe'ruma'kũ paau repaũ. <sup>25</sup>Ũcuachi'a pãi repaũ chũ'vachũ'o asacuhenare Diopi cho'okaiũna jachache'te ũhaso Repaũ chũ'o ũcuarepare asa chēa cuasaa'ju chini pe'kerũ i'kakũ paau. <sup>26</sup>Repanapi jã'aja'ñe cho'oni rũhiñe cuasaju re'oja'che pa'ijanaa'me, vati aipi paakũ chũ'ũkũna repana ũcuauache cu'ache cho'ojũ pa'isi'ere jũvomasiju.

### Jesucristo jo'e raipi'rarũmũ pa'ijachere kũamũ

**3** <sup>1</sup>Ũcuachi'a iere masiche pa'imũ: Jesucristo jo'e raipi'rarũmũ ruã pa'ivesache pa'ija'mũ maire. <sup>2</sup>Reparũmũ pãi jainũko meñechi'a chiiju chekũnare cho'okaicuheju kurineeju, “Chekũnare na'a ruã masiũ'mũ chũ'u”, chiiju ũcuanchi'a meñe pojojũ pa'ijanaa'me. Ũcuachi'a Diore cu'ache i'kaju, pũka'kũpãi jachaju, repanare re'oja'che cho'okainare pojoma'ñe ke'reju, Diore pojojũ cho'oche ña pãisoju pa'ijanaa'me. <sup>3</sup>Majarãijẽ'e cuasamarũ ña oima'ñe cu'ache cutujũ, chekũna cho'oche pe'ruju cuhama'ñe cuasaju, repanare cho'ouache cu'a jũvovesujũ, chekũnare asi cho'ojũ re'oja'che cho'oche peore si'ache cuhena pa'ijanaa'me repana. <sup>4</sup>Ũcuachi'a ruã jorejũ repana cu'ache cho'ochejẽ'e cuasama'ñe

pa'ijɔ, meñechi'a cuasajɔ chekɔnare cuhejɔ, Dios chiiche cho'ochejê'e cuasama'ñe repanare ɛachechi'a cho'oɔjɔ pa'ijanaa'me repana. <sup>5</sup>Diore pojona cho'ocheja'che jorejɔ cho'oɔjɔ repana cu'ache cho'ocheji Repaɔ re'oja'che cho'okaiche'te jachajɔ pa'ijanaa'me repana. Jã'aja'ñe pa'inare pãi ja'me pa'imanejũ'ɛ.

<sup>6</sup>Repana pãi te'ena ku'ijɔ vɔ'ñana tĩ'a romiva'nare vesɔva'nare cu'are jɔvovesajɔ ũcuauache cu'ache cho'oɔjɔ vajɔchɔva'nare jorejɔ peoche'te che'chojɔ pa'inaa'me. <sup>7</sup>Repana romi pãi che'choche si'arɔmɔ si'ache che'chejɔ pa'inata'ni jmamakarujê'e Dios chɔ'o ũcuarepa asa chẽama-naa'me. <sup>8</sup>Repana jorena Dios chɔ'o ũcuarepare cuhejɔ jachajɔ pa'ime, Janena'me Jambres Moiseni cuhejɔ aperɔmɔ ke'resi'eja'che. Cu'achechi'a cuasanajejɔ Diore cuasacuhena'me repana. <sup>9</sup>Jã'ata'ni pãi ũcuarepa-nɔko asa chẽamanejanaa'me repana jorechɔ'o. Repana jorena cho'oche pãi ũcuano'ko ña masijanaa'me, Moise'te cuhesina Janena'me Jambres cu'ache cho'oɔjɔ ña masicojñosi'eja'che.

#### Pablo Timoteo'te jo'e chũ'ɛ jo'kasi'ea'me

<sup>10-11</sup>Mɔ'ɔta'ni chɔ'ɛ che'chochɔ'ore masiku'mɔ. ũcuachi'a chɔ'ɛ pa'i-che peore masiku'mɔ, chɔ'ɛ cho'ora chiiche, chɔ'ɛ Diore masi cuasache, chɔ'ɛ pe'kerɔ che'chochena'me chɔ'ɛ chekɔnare oiɔ re'oja'che cho'okaiche. ũcuachi'a chɔ'ɛ cu'ache cho'ocojñokɔta'ni Diore cuasache ũhasoma'ñe ũcua cuasaku Repaɔ'te cho'oche cho'okai koka paache masiku'mɔ mɔ'ɛ. Chɔ'ɛ Antioquía vɔ'ejoopo Iconio vɔ'ejoopona'me Lистра vɔ'ejoopo pa'inare cu'ache cho'ocojñosi'e peore masiku'mɔ mɔ'ɛ. Repanare rɔa cu'ache cho'ocojñokɔta'ni Diopi cho'okaiɔna re'oja'che pani etajaisi'ku'a'mɔ chɔ'ɛ. <sup>12</sup>Re'oja'che pa'ijɔ Jesucristoni masi cuasajɔ Repaɔ chiichechi'a cho'oñu chiina pãi cu'ache cho'ocojñojanaa'me. ũcuarepa'a'me jã'a. <sup>13</sup>Jã'ata'ni cu'ache pa'inana'me jorechɔ'o che'chona jorejɔ, jorecojñojɔ si'arɔmɔ na'a rɔa cu'ache cho'oɔjɔ pa'ijanaa'me.

<sup>14</sup>Mɔ'ɔta'ni mɔ'ɛ che'chocojñosi'ere peore masi cuasaku ũhasoma'ñe ũcua cuasaku pa'ijũ'ɛ. Chukuna'te mɔ'ɛre che'chosinare masikujekɔ repachɔ'o ũcuarepa pa'iche'te masimɔ mɔ'ɛ. <sup>15</sup>Mɔ'ɛ chĩirɔmɔna masi-che'te Dios chɔ'o tocha jo'kasi'ere cuasajũ'ɛ. Jesucristo'te cuasajɔ jovo ũcuana'me si'arɔmɔ re'oja'che pa'iche'te kuamɔ repachɔ'o. <sup>16</sup>Dios chɔ'o tocha jo'kasi'e peore ũcuau kuasi'ejekɔ maire che'chochɔ'oa'me. Maipi asa cu'ache cho'oche'te ũhasoa'jɔ chini kuachejekɔ maire re'oja'che pa'i-che chɔ'vachɔ'oa'me. <sup>17</sup>Mai Diore cuasanapi repachɔ'ore asajɔ che'chejɔ pani re'oja'che pa'iche che'chenajejɔ si'ache re'oja'che cho'omasijanaa'me.

**4** <sup>1</sup>Dios asaku'te ũcuachi'a Jesucristo Pãi ũcuano'kore Chũ'ɔku Pa'ijau jo'e rani pãi jũnisosinana'me vajɔna cho'osi'e peore ro'i-che chũ'ɔjau asaku'te iere chũ'ɛ jo'kamɔ chɔ'ɛ mɔ'ɛre: <sup>2</sup>Dios chɔ'o

chũ'vache cuhasoma'ñe si'arũmũ chũ'vakũ pa'ijũ'ũ, chũ'vare'orũmũna'me chũ'vacu'ache pa'irũmũ. Pe'kerũ che'chokũ repanapi cu'ache cho'oto pe'ruma'ñe i'kakũ chũ'vajũ'ũ repanare, jo'e cho'oma'ñe Dioni masi cuasajũ vajũchũma'ñe re'oja'che pa'ijũ paapũ chini. <sup>3</sup>Na'a pa'isirũmũ Dios chũ'o ũcuarepa che'choche rũa asacuhejanaa'me pãĩ. Chũ'o ũcuarepare asacuhejũ repanare uachechi'a asajũ, repaña chiichechi'a che'chojũna asajũ paũũ chini che'chonare rũa jainũkore ku'e jũaajanaa'me repaña. <sup>4</sup>Dios chũ'o ũcuarepare asacuhejũ rupũ aichũ'ore pãĩ cuasajũ kũache'te asajũ pa'ijanaa'me repaña. <sup>5</sup>Mũ'ũta'ni si'arũmũ rũhi'ñe cuasakũ pa'ivesache ti'jũetojẽ'e ũcua re'oja'che pa'iu mũ'ũpi cho'oa'kũ chini Dios mũ'ũre jo'kasi'ere Repaũ chũ'o chũ'vache'te peore masi cho'okũ pa'ijũ'ũ, Repaũ'te cuasamanapi asa chẽa Jesuni cuasajũ jovoaljũ.

<sup>6</sup>Chũ'ũre vanisojarũmũ ti'a'ñe jmamakarũ karamũ. Dios chũ'o chũ'vakũjekũ chuenisopi'ramũ chũ'ũ. <sup>7</sup>Jesuni masi cuasakũ chũ'ũre peore cho'ore'ochetũ'ka cho'okũ cu'ache ti'jũeco'jũnokũta'ni Repaũ'te cuasache'te ũhasoma'ñe ũcua cuasakũ re'oja'che pa'iu chũ'ũpi cho'oa'kũ chini Dios chũ'ũre jo'kasi'e peore cho'o pi'nicuhamũ chũ'ũ. <sup>8</sup>Chura chũ'ũ re'oja'che cho'osi'e ro'i Maire Paakũ Re'okũ pãĩ ũcuanũko cho'osi'e ro'iche Repaũ chũ'ũmucuse chũ'ũre ĩsijachere cuasakũ cha'amũ chũ'ũ. Chũ'ũrechi'a ĩsima'ñe Repaũ jo'e raijache rũa cuasajũ pojojũ cha'anare ũcuachi'a ĩsi'ja'mũ Repaũ.

### Timoteoji cho'okaau chini Pablo chũ'ũkũ chũ'vasi'ea'me

<sup>9</sup>Mũ'ũre peore cho'ore'ochetũ'ka cho'okũ na'mi rani ñajũ'ũ chũ'ũre. <sup>10</sup>Demas Diore cuasamana pa'iche'te na'a rũa chiũ chũ'ũre jo'ka Tesalũnica vũ'ejoopona sanisosi'kũa'mũ. Crescenteji Galacia chejana sanisosi'kũa'mũ. Titopi Dalmacia chejana saisi'kũa'mũ. <sup>11</sup>Lucachi'a ja'me pa'imũ chũ'ũre. Marco'te ku'e jũaa rakaijũ'ũ. Chũ'ũre cho'oche rũa cho'okaimasikũ'mũ repaũ. <sup>12</sup>Tĩquico'te mũ'ũ sani pa'ichejana Efeso vũ'ejoopona saosi'kũa'mũ chũ'ũ. <sup>13</sup>Mũ'ũ rairũmũ chũ'ũ Troas vũ'ejoopo jo'ka raisikãa chũ'ũ sẽ'sevũ ju'ikãa rakaijũ'ũ chũ'ũre, Carpo vũ'e jo'kasikãa. ũcuachi'a chũ'ũ utija'okorovũã rakaijũ'ũ. Chekũja'ũ utija'o ũcuachi'a rũa chiimũ chũ'ũ. Jã'a cavesũma'ñe rakaijũ'ũ chũ'ũre.

<sup>14</sup>Cũna cho'oche cho'okũ Alejandro rũa cu'ache cho'osi'kũa'mũ chũ'ũre. Maire Paakũji repaũ cu'ache cho'osinũkorũ cu'ache ti'jũẽ'ũ chũ'ũja'mũ repaũ'te. <sup>15</sup>Ñarepakũ pa'ijũ'ũ repaũ cho'oche. Mai chũ'vache Dios chũ'o rũa cuhekũ chũ'vaũsemũ repaũ.

<sup>16</sup>Pãĩ chẽa'ñe chũ'ũna charo chũ'ũni soni chũ'ũ cho'osi'ere cuasa ñarũmũ chũ'ũre ja'me pa'ina te'eu'jẽ'e ja'me i'kakaima'ñe ũcuanũko jo'ka sanisosinaa'me chũ'ũre. Jã'ata'ni repaña cho'osi'e cuasamanea'kũ Dios, chiimũ chũ'ũ. <sup>17</sup>Jã'ata'ni reparũmũ chũ'ũre Maire Paakũji ja'me pa'iu

cho'okaisi'kua'mu, chaire ausoma'ne pa'ia Repau chu'ore ucu koka paakua masi chu'vakua judio peonapi ucuanuko asaju paapu chini. <sup>18</sup>Maire Paaku chu'ure cu'ache cho'oche si'ache peore Usekaiu Repau pa'icheja re'ojachejana saja'mu. Si'arumu cuhama'ne pojojua pañu mai Repau'te. Jã'aja'ne paau.

**Chu'o saoku re'oja'che i'ka jo'kasi'ere kuumu**

<sup>19</sup>Priscana'me Aquila'te chu'o sa kuakaiju'u chu'ure, Onesiforona'me repau majapai ucua'ia. <sup>20</sup>Erasto Corinto vaejoopona canukasi'kua'mu. Trofimoreta'ni ju'ikuni Mileto vaejoopona jo'ka ranisosi'kua'mu chu'u. <sup>21</sup>Mu'ure peore cho'ore'ochetu'ka cho'oku chuta'a susarumu t'amarumuna raiju'u ichaja. Eubulona'me Pudente, Linona'me Claudia, chekua mai majapaijana ucuanuko ichaja pa'ina chu'o saome mu'ure.

<sup>22</sup>Maire Paakuji mu'u rekocho'te ja'me paau. Musanukonare ucuanukore Diopi rua re'oja'che cho'okaa re'oja'che paapu chini. Re'omu.

Pablo